



Centralna banka
BOSNE I HERCEGOVINE
Централна банка
БОСНЕ И ХЕРЦЕГОВИНЕ



Monetarna kretanja u januaru 2024. godine




Monetarna kretanja u januaru 2024. godine

Ukupna novčana masa (M2) na kraju januara 2024. godine iznosila je 35,77 milijardi KM, u odnosu na prethodni mjesec registrovan je porast novčane mase za svega 5,1 milion KM. Ovaj porast novčane mase (M2) u januaru 2024. godine, rezultat je smanjenja novca (M1) za 226,5 miliona KM (1,0%) i povećanja kvazi novca (QM) za 231,5 miliona KM (1,6%). U strukturi novca (M1), gotovina izvan banaka smanjena je za 164,3 miliona KM (2,5%), a prenosivi depoziti u domaćoj valuti manji su za 62,2 miliona KM (0,4%). Kvazi novac (QM) je povećan usljed porasta prenosivih depozita u stranoj valuti za 216,9 miliona KM (5,5%) i ostalih depozita u domaćoj valuti za 53,7 miliona KM (1,9%), dok je istovremeno došlo do smanjenja ostalih depozita u stranoj valuti za 39 miliona KM (0,5%).

Na godišnjem nivou, porast novčane mase (M2) u januaru 2024. godine iznosio je 2,64 milijarde KM (8,0%). Rast je ostvaren kod gotovine izvan banaka za 424,8 miliona KM (7,1%), kod prenosivih depozita u domaćoj valuti za 1,24 milijarde KM (9,0%), kod prenosivih depozita u stranoj valuti za 534,6 miliona KM (14,6%), kod ostalih depozita u domaćoj valuti za 36,4 miliona KM (1,3%) i kod ostalih depozita u stranoj valuti za 401,2 miliona KM (5,9%).

Monetarni agregati



Protustavka povećanju novčane mase (M2) na mjesečnom nivou u januaru 2024. godine, u iznosu od 5,1 milion KM, je povećanje neto strane aktive (NSA) za 96,5 miliona KM (0,5%) i smanjenje neto domaće aktive (NDA) za 91,4 miliona KM (0,6%). Porast novčane mase (M2) na godišnjem nivou od 2,64 milijarde KM (8,0%), rezultat je porasta neto strane aktive (NSA) za 1,31 milijardu KM (6,8%) i neto domaće aktive (NDA) za 1,32 milijarde KM (9,6%).

Monetarni pregled

	Stanje u mil. KM I 2024	Mjesečne promjene u mil. KM			Godišnje stope rasta u %		
		XI 2023	XII 2023	I 2024	XI 2023	XII 2023	I 2024
Aktiva							
1. Neto strana aktiva	20.632,7	-111,3	199,9	96,5	6,8	6,6	6,8
1.1. Strana aktiva	22.081,0	-106,8	222,4	65,1	4,5	4,4	5,1
1.2. Strana pasiva	-1.448,3	-4,5	-22,5	31,4	-20,0	-18,4	-14,5
2. Neto domaća aktiva	15.137,1	147,5	344,7	-91,4	8,0	9,0	9,6
2.1. Potraživanja od centralne vlade (neto), kantona i opština	795,5	115,3	142,7	17,6	192,9	837,6	214,1
2.2. Potraživanja od domaćih sektora	22.498,0	100,6	238,8	-79,3	6,7	7,2	7,8
2.3. Ostale stavke	-8.156,3	-68,4	-36,9	-29,7	9,7	13,3	11,7
Pasiva							
1. Novčana masa (M2)	35.769,8	36,2	544,6	5,1	7,3	7,6	8,0
1.1. Novac (M1)	21.377,2	43,7	455,1	-226,5	9,0	8,7	8,4
1.2. Kvazi novac (QM)	14.392,6	-7,5	89,4	231,5	4,8	6,0	7,2

Kreditni

Ukupni krediti domaćim sektorima na kraju januara 2024. godine iznosili su 23,47 milijardi KM, u odnosu na prethodni mjesec zabilježeno je smanjenje kredita od 81,2 miliona KM (0,3%). Kreditni rast registrovan je kod sektora stanovništva za 17,6 miliona KM (0,1%), dok je kod ostalih sektora došlo do smanjenja kredita. Kod privatnih preduzeća krediti su smanjeni za 53,4 miliona KM (0,5%), kod nefinansijskih javnih preduzeća za 28,5 miliona KM (4,5%), kod vladinih institucija za 7,7 miliona KM (0,7%) i kod ostalih domaćih sektora za 9,3 miliona KM (3,8%).

Godišnja stopa rasta ukupnih kredita u januaru 2024. godine iznosila je 7,3%, nominalno 1,6 milijardi KM. Godišnji rast kredita registrovan je kod sektora stanovništva za 838,6 miliona KM (7,6%), kod privatnih preduzeća za 695 miliona KM (7,7%), nefinansijskih javnih preduzeća za 11 miliona KM (1,8%) i kod ostalih domaćih sektora za 63,3 miliona KM (37,1%). Smanjenje kreditnog rasta na godišnjem nivou registrovano je kod vladinih institucija za 10,8 miliona KM (1,0%).

Sektorska struktura kredita

	Stanje u mil. KM I 2024	Mjesečne promjene u mil. KM			Godišnje stope promjene u %		
		XI 2023	XII 2023	I 2024	XI 2023	XII 2023	I 2024
Ukupno	23.466,9	113,8	247,4	-81,2	6,1	6,7	7,3
Od toga:							
Stanovništvo	11.809,4	59,4	26,0	17,6	7,4	7,4	7,6
Privatna poduzeća	9.714,1	58,4	144,5	-53,4	5,3	6,7	7,7
Vladine institucije	1.102,3	-1,7	17,7	-7,7	-2,9	-1,1	-1,0
Javna poduzeća	607,4	2,8	35,3	-28,5	3,2	1,5	1,8
Kreditni ostalim domaćim sektorima	233,8	-5,0	24,0	-9,3	32,9	31,3	37,1

Depoziti

Ukupni depoziti domaćih sektora na kraju januara 2024. godine iznosili su 31,25 milijardi KM, u odnosu na prethodni mjesec depoziti su povećani za 135,7 miliona KM (0,4%). Rast depozita na mjesečnom nivou registrovan je kod sektora stanovništva za 58,4 miliona KM (0,4%), kod privatnih preduzeća za 148,4 miliona KM (2,1%), kod nefinansijskih javnih preduzeća za 70,1 milion KM (3,7%) i kod ostalih domaćih sektora za 13,2 miliona KM (0,7%). Depoziti su smanjeni kod vladinih institucija za 154,4 miliona KM (3,6%).

Godišnja stopa rasta ukupnih depozita u januaru 2024. godine iznosila je 7,6%, što je u apsolutnom iznosu 2,2 milijarde KM. Godišnji rast depozita registrovan je kod sektora stanovništva za 1,47 milijardi KM (10,0%), kod privatnih preduzeća za 901,1 milion KM (14,3%) i kod nefinansijskih javnih preduzeća za 3 miliona KM (0,2%). Depoziti su na godišnjem nivou smanjeni kod vladinih institucija za 119,5 miliona KM (2,8%) i kod ostalih domaćih sektora za 49,7 miliona KM (2,7%).

Sektorska struktura depozita

	Stanje u mil. KM I 2024	Mjesečne promjene u mil. KM			Godišnje stope promjene u %		
		XI 2023	XII 2023	I 2024	XI 2023	XII 2023	I 2024
Ukupno	31.245,6	49,1	172,4	135,7	7,7	6,4	7,6
Od toga:							
Stanovništvo	16.117,1	8,9	383,7	58,4	9,8	10,2	10,0
Privatna poduzeća	7.221,5	125,8	30,9	148,4	17,0	15,1	14,3
Vladine institucije	4.143,5	-70,5	-196,5	-154,4	0,2	-6,8	-2,8
Javna preduzeća	1.965,0	-1,8	-28,5	70,1	-2,5	-5,9	0,2
Depoziti ostalih domaćih sektora	1.798,6	-13,3	-17,2	13,2	-8,8	-5,3	-2,7

Devizne rezerve

Devizne rezerve Centralne banke BiH na kraju januara 2024. godine iznosile su 15,91 milijardu KM.